

tigkcyt. Der einligkcyt ist / das diese entpfindliche welt gemacht ist nach dem götlichen ebenbild / in welche doch weder anfang noch ende ist / wann es ewig ist / darumb zu gleichnuß des / hat diese leiplich welt ein runde gestalt / wann an dem runden mag man nit anzeygen weder anfang noch ende.

Der bequemlickeyt ist / dz vnter allen leiben die gleich vmbgeschlossen / so ist die synbel form die aller grösste vnd vngreiffigst. Nun beschleust der himel al ding / darumb ist ihm die synbel gestalt nütze vnd gemachsam.

Der notturstigkcyt ist / so der himel ein andre gestalt hett dan ein runde / als das er dreiecket / oder vierecket / oder vilecket were / nachfolgeten zwei vnmögliche ding / mit namen / so müst von notwegen etwa stat eytel oder öde sein / oder ein leip der vor ein stat hett gehabt / nun keyn vmbfliessende stat hett / der yetlichs ist onmöglich / als offenbar ist in den auffgerichten vnd vmbgewelgt ecken oder winckeln.

Das auch der himel runde sei / das bezeugt Alphraganus der meyster / vnd spricht also. Were der himel schlecht / so were vns etlichs stück des himels neher dan dz ander / vnd aller meyst das stück das ob vnserm haupt were / So folget hernach das ein stern an dem selbigen teyl vns neher wer / vnd bedeucht vns grösser / wann so der selbig stern were in dem aufganck / oder vnterganck. Aber diese ding die vns nahent sein / scheynen grösser / dann so sye ferren weren. Darumb die Sonn / oder cyn anderer sterne / so sye im mittel des himmels stunde / solte grösser erscheynen / dann so sye stunde im

B ij auf